



Broj: 01/01-2721/14-2021
Sarajevo, 24.01.2022. godine

Na osnovu člana 69. stav (2) tačka d), člana 70. stav (1), (4) i (6) Zakona o javnim nabavkama („Sl. glasnik BiH“, broj 39/14), Zapisnika o ocjeni ponuda, broj: 01/01-2721/12-2021 od 21.01.2022. godine, na preporuku Komisije za javnu nabavku, broj: 01/01-2721/13-2021 od 21.01.2022. godine u otvorenom postupku nabavke robe – **NABAVKA I UGRADNJA AMFITEATARSKIH SETOVA**, Dekan Univerziteta u Sarajevu - Prirodno-matematički fakultet je donio

ODLUKU

o poništenju postupka javne nabavke

Član 1.

Poništava se postupak javne nabavke roba - **NABAVKA I UGRADNJA AMFITEATARSKIH SETOVA**, objavljen dana 20.12.2021. godine na Portalu javnih nabavki pod brojem: 29340-1-1-47-3-18/21 iz razloga što nijedna od primljenih ponuda nije prihvatljiva.

Član 2.

Ova odluka objavit će se na web-stranici www.pmf.unsa.ba u skladu sa članom 70. stav (6) Zakona o javnim nabavkama BiH.

Član 3.

Ova Odluka stupa na snagu danom donošenja.

Obrazloženje

Postupak javne nabavke pokrenut je Odlukom o pokretanju postupka javne nabavke roba: **NABAVKA I UGRADNJA AMFITEATARSKIH SETOVA**, 01/01-2721/3-2021 od 20.12.2021. godine.

Obavještenje o nabavci broj: 29340-1-1-47-3-18/21 objavljeno je na Portalu javnih nabavki dana 20.12.2021. godine i u Službenom glasniku BiH broj: 78/21 od 24.12.2021. godine.

Iz Izvještaja o preuzimanju tenderske dokumentacije od strane ponuđača, vidljivo je da su u periodu koji je ostavljen za dostavljanje ponuda do 05.01.2022. godine, tendersku dokumentaciju preuzeli slijedeći potencijalni ponuđači: EKAPIJA DOO, STEEL DOO, BBS EUROPE, PROTIM D.O.O. SARAJEVO, R&S D.O.O. SARAJEVO, DEFTER DOO SARAJEVO, TOP SPORT DOO, KIS PRODUKT, PROKLIMA-TIM D.O.O., HAFELE BH D.O.O. i FEF EXPORT IMPORT DOO.

Iz Izvještaja o pitanjima i odgovorima u vezi sa tenderskom dokumentacijom, vidljivo je da je u periodu koji je ostavljen za dostavljanje pitanja i odgovora, ponuđači nisu postavljali pitanja u vezi pojašnjenja tenderske dokumentacije.

Iz Zapisnika o otvaranju ponuda vidljivo je da je Komisija za javne nabavke dana 10.01.2022. godine sa početkom u 10:30 sati po redoslijedu zaprimanja izvršila javno otvaranje blagovremeno prispjele ponude slijedećeg ponuđača:

R. br.	Naziv/ime ponuđača	Blagovremene ponude	Broj prijemnog protokola	Datum i vrijeme pristigle ponude
1.	“FEF” Export-Import d.o.o. Sarajevo	Da	01/01 2721-1/6-2021	10.01.2022.g. u 09:35 sati

Na javnom otvaranju ponuda nisu bili prisutni predstavnici ponuđača.

Zapisnik sa otvaranja ponuda je 11.01.2022. godine prosljeđen elektronskim putem (E-mailom) ponuđaču koji je blagovremeno dostavio ponudu.

Nakon pregleda ponuda, Komisija za javne nabavke je utvrdila da ponuda *ponuđača “FEF” Export-Import d.o.o. Sarajevo ne ispunjava* sve uslove za kvalifikaciju tražene Tenderskom dokumentacijom, te je u skladu sa naprijed navedenim *ponudu ponuđača “FEF” Export-Import d.o.o. Sarajevo ocjenila kao neprihvatljivu.*

Redni br.	Naziv i sjedište ponuđača	Ponuđen i popust	Ukupna cijena ponude
1.	„FEF Export Import“ d.o.o. Sarajevo Azize Šaćirbegović 24, 71000 Sarajevo	0,00 KM	Cijena ponude bez PDV-a 54.994,80 KM 0% popust Ukupna cijena ponude sa uračunatim popustom bez PDV-a = 54.994,80 KM PDV na cijenu ponude= 9.349,12 KM Ukupna cijena za ugovor 64.343,92 KM sa PDV-om

Iz Zapisnika o pregledu i ocjeni ponuda je vidljivo da u ponudi ponuđača nije bilo računskih grešaka.

Iz Zapisnika o pregledu i ocjeni ponuda je vidljivo da je analizirajući Ponudu Komisija konstatovala nejasnoće u vezi dostavljenih dokaza/potvrda i o ispunjavanju tehničke i profesionalne sposobnosti u skladu sa članom 48. stav (2) i 49. tačka a) Zakona.

Dana 12.01.2022. godine upućen je Ponuđaču dopis, broj: 01/01-2721/8-2021 kojim se u skladu sa članom 68. stav (3) Zakona o javnim nabavkama BiH („Sl. glasnik BiH“, broj: 39/14) i tačkom 29. TD - Pojašnjenje ponuda, u roku od 3 (tri) dana od prijema dopisa, traži u pismenoj formi pojašnjenje dokaza/potvrda o ispunjavanju tehničke i profesionalne sposobnosti u skladu sa članom 48. stav (2) i 49. tačka a) Zakona.

U sklopu ponude u dostavljenim potvrdama od strane Univerziteta u Sarajevu- Stomatološkog fakulteta i Inter-com d.o.o. Zenica Komisiji nije bilo vidljivo vrijeme izvršenja ugovora u skladu sa članom 48. stav

(3) pod d) Zakona i tačkom 7.1 Tenderske dokumentacije, odnosno bili su vidljivi datumi potpisivanja ugovora, ali ne i vrijeme izvršenje istih.

U blagovremeno dostavljenom dopisu od strane Ponuđača, broj: 01/01-2721/10-2021 od 13.01.2022. godine otklonjene su nejasnoće u vezi sa dostavljenim dokazom/potvrdom Inter-com d.o.o. Zenica.

Iz *Zapisnika o pregledu i ocjeni ponuda* je vidljivo da je predsjednica Komisije za nabavke dopisom, broj: 01/01-2721/9-2021 od 12.01.2022. godine zatražila mišljenje stručnih osoba koje su pripremale specifikaciju za predmetnu nabavku da dostave mišljenje da li su dostavljeni dokazi tj. Certifikati sa pripadajućim izvještajima u skladu sa članom 49. tačka d) Zakona o javnim nabavkama („Sl. glasnik BiH“, broj: 39/14) i Tenderskom dokumentacijom. Mišljenjem, broj: 01/01-2721/11-2021 od 17.01.2022. godine, konstatovano je da su dostavljeni dokazi tj. Certifikati sa pripadajućim izvještajima u skladu sa Tenderskom dokumentacijom.

Iz *Zapisnika o pregledu i ocjeni ponuda* je vidljivo da je Komisija za provođenje postupka nabavke nakon pregleda i ocjene ponuda, utvrdila sljedeće:

Tačkom 7.1 *Uslovi za kvalifikaciju Tenderske dokumentacije kao jedan od uslova za kvalifikaciju u smislu dokazivanja tehničko-profesionalne sposobnosti predviđeno je pod tačkom:*

- c) da ponuđač ima uspješno iskustvo u realizaciji najmanje **1 (jednog)** ili **2 (dva)** ugovora o isporuci i ugradnji amfiteatarskih setova (ili srodnog predmeta nabavke), a sve u **prethodne 3 (tri)** godine računajući od momenta predaje ponude ili od datuma registracije dobavljača ukoliko je registrovan u razdoblju kraćem od prethodne 3 (tri) godine, pri čemu vrijednost jednog takvog ugovora bez PDV-a ne smije biti manja od procijenjene vrijednosti predmeta nabavke ili pri čemu zbirni iznos pomenuta dva ugovora bez PDV-a ne smije biti manji od procijenjene vrijednosti nabavke;

Tenderskom dokumentacijom u svrhu dokazivanja tehničke i profesionalne sposobnosti, u skladu sa članom 48. stav (2) i 49. tačkom a) Zakona o javnim nabavkama, ponuđač je bio dužan dostaviti:

- ✓ spisak izvršenog/ih ugovora uz potvrdu o dobro obavljenom poslu koju daje druga ugovorna strana o njihovoj realizaciji. U slučaju da se takva potvrda ne može dobiti iz objektivnih razloga koji su izvan kontrole ponuđača vrijedi izjava ponuđača o dobro izvršenom poslu uz dokaz za učinjeni pokušaj (kopiju akata sa prijemnim štembiljom koje je ponuđač slao ugovornoj strani vezano za zahtjev da se izdaju potvrde o uspješnoj realizaciji konkretnog ugovora ili kopija mailova između ugovornih strana iz koje je vidljivo da je zatraženo izdavanje navedene potvrde/a) da se takva izjava osigura. Potvrda o uredno izvršenom ugovoru mora sadržavati sljedeće podatke: a) naziv i sjedište ugovornih strana ili privrednih subjekata; b) predmet ugovora; c) vrijednost ugovora; d) vrijeme i mjesto izvršenja ugovora; e) navode o uredno izvršenim ugovorima.

U tački 7.1 *Uslovi za kvalifikaciju* TD također je propisano da u slučaju da se u ponudi ne dostave navedeni dokumenti u vezi sa **dokazivanjem tehničke i profesionalne sposobnosti ponuđača, u skladu sa članom 48. i 49. Zakona o javnim nabavkama BiH** ili se ne dostave na način kako je naprijed traženo, ponuđač će biti isključen iz daljeg učešća zbog neispunjavanja navedenog uslova za kvalifikaciju.

U tački 8. *Sadržaj ponude i način pripreme ponude* TD je propisano da su Ponuđači obavezni da pripreme ponude u skladu sa zahtjevima i uslovima koji su utvrđeni u ovoj Tenderskoj dokumentaciji.

U skladu sa navedenim, Komisija za javne nabavke je analizom Ponude konstatovala da ponuđač "FEF Export Import" d.o.o. Sarajevo u svojoj Ponudi **nije dostavio:**

- **spisak izvršenog/ih ugovora, kako je jasno traženo tačkom 7.1 tenderske dokumentacije.**

Članom 48. stav (2) Zakona o javnim nabavkama („Službeni glasnik BiH“, br. 39/14) (u daljem tekstu: ZJN) propisano je da ako ugovorni organ zahtjeva dokaz o uredno izvršenim ugovorima, taj dokaz se podnosi u formi spiska izvršenih ugovora uz potvrdu koju daje druga ugovorna strana o njihovoj realizaciji. U slučaju da se takva potvrda iz objektivnih razloga ne može dobiti od ugovorne strane koja nije ugovorni organ, vrijedi izjava privrednog subjekta o uredno izvršenim ugovorima, uz predočavanje dokaza o učinjenim pokušajima da se takve potvrde osiguraju.

Imajući u vidu navedeno utvrđeno činjenično stanje, Komisija je konstatovala da ponuđač "FEF Export Import" d.o.o. Sarajevo nije postupio u skladu sa tačkom 7.1. Tenderske dokumentacije i članom 48. stav (2) ZJN, jer nije u ponudi dostavio spisak izvršenih ugovora.

Pored navedenog, Komisija je konstatovala da je Ponuđač u pogledu ispunjavanja profesionalne i tehničke sposobnosti dostavio Izjavu o ispunjavanju iste, koja je potpisana i pečatom ovjerena od strane ovlaštene osobe. Međutim, u Izjavi o ispunjenosti uslova iz člana 48. i 49. Zakona o javnim nabavkama („Službeni glasnik BiH“ broj: 39/14) **nisu taksativno navedeni dokazi i prilozi koji se dostavljaju uz Izjavu, što je ponuđač bio u obavezi da navede.**

Budući da je članom 68. stav (4) tačka i) ZJN propisano da ugovorni organ obavezno odbacuje ponudu koja nije potpuna i ne ispunjava uslove iz tenderske dokumentacije, Komisija za javne nabavke, imajući u vidu prethodno navedeno činjenično stanje, je konstatovala da nedostavljanje spiska izvršenog/ih ugovora od strane ponuđača "FEF Export Import" d.o.o. Sarajevo, kao i dostavljanje Izjave o ispunjenosti uslova iz člana 48. i 49. Zakona o javnim nabavkama („Službeni glasnik BiH“ broj: 39/14), u kojem nisu taksativno navedeni dokazi i prilozi koji se dostavljaju uz Izjavu, čini predmetnu Ponudu nepotpunom, a time i neprihvatljivom. U skladu u prethodno navedenim zakonskim odredbama i Tenderskom dokumentacijom, zbog neispunjavanja navedenih uslova za kvalifikaciju, ponuda je ocjenjena kao neprihvatljiva, te kao takva nije uzeta u dalje razmatranje.

Komisija za javne nabavke predložila je Dekanu da na osnovu člana 69. stav (2). tačka d) Zakona o javnim nabavkama BiH („Službeni glasnik BiH“ broj: 39/14), donese Odluku o poništenju postupka javne nabavke roba: ***Nabavka i ugradnja amfiteatarskih setova iz razloga što nijedna od primljenih ponuda nije prihvatljiva.***

Iz gore navedenih razloga, primjenom člana 69. stav (2) tačka d) Zakona o javnim nabavkama BiH, prihvaćena je preporuka Komisije i odlučeno je kao u članu 1. ove odluke

Pouka o pravnom lijeku:

Protiv ove Odluke može se izjaviti žalba, najkasnije u roku od deset (10) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi. Žalba se podnosi u najmanje tri (3) primjerka.

Naknada za pokretanje žalbenog postupka plaća se Uredu za razmatranje žalbi u skladu sa članom 108. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama BiH.

DEKAN FAKULTETA



Prof. dr Nusret Drešković

Dostaviti:

- Ponuđač FEF EXPORT IMPORT d.o.o. Sarajevo
- Dosije nabavki
- Web stranica
- a/a